

四庫全書

子部

欽定四庫全書

數學卷八

婺源江永撰

算牘

勿菴先生論算極詳觀玩之餘
有得輒筆之此為牘義云爾

正弧三角會通

弧三角以正者為宗舉要第二卷論正弧其法散出有
見於求餘角法者有見於第四卷次形法者又有現於

塹堵測量環中黍尺二書者今為薈萃總計求角求邊
凡若干正法別法附之臚列分明學者庶易會焉



甲為正角乙酉春分角丙為交角乙
甲猶赤道乙丙猶黃道丙甲猶距緯
正弧隨處有之不止黃赤道而以黃
赤為喻諸法皆以甲乙丙為鈐記

求丙甲邊法

半徑與乙角正弦若乙丙正弦與丙甲正弦

中二率相乘為實首

率為法除
實得四率

半徑與乙角正切若乙甲正弦與丙甲正切

丙角正切與半徑若乙甲正切與丙甲正弦

若欲用半徑為首率以省除則為半徑與丙角餘切
若乙甲正切與丙甲正弦

半徑與丙角餘弦若乙丙正切與丙甲正切

又法丙角餘弦與半徑若乙丙餘切與丙甲餘切

乙甲餘弦與半徑若乙丙餘弦與丙甲餘弦

若欲用半徑為首率以省除則為半徑與乙甲正割
若乙丙餘弦與丙甲餘弦

又法半徑與乙甲餘弦若乙丙正割與丙甲正割

又法乙丙餘弦與半徑若乙甲餘弦與丙甲正割

又法乙丙正割與半徑若乙甲正割與丙甲餘弦

丙角正弦與半徑若乙角餘弦與丙甲餘弦

半徑與丙角餘割若乙角餘弦與丙甲餘弦

又法不用四率但以加減法取初數即得丙甲正弦

法為乙角度與乙丙邊度相併為總弧相減為存弧

各取餘弦如法相加減

總弧過象限則兩餘弦相加不過象限則相減

折半

為初數即為丙甲正弦

求乙丙邊法

乙角正弦與半徑若丙甲正弦與乙丙正弦

若欲用半徑為首率以省除則為半徑與乙角餘割

若丙甲正弦與乙丙正弦

乙角餘弦與半徑若乙甲正切與乙丙正切

若欲用半徑為首率以省除則為半徑與乙角正割
若乙甲正切與乙丙正切

丙角正弦與半徑若乙甲正弦與乙丙正弦

若欲用半徑為首率以省除則為半徑與兩角餘割
若乙甲正弦與乙丙正弦

丙角餘弦與半徑若丙甲正切與乙丙正切

若欲用半徑為首率以省除則為半徑與丙角正割
若丙甲正切與乙丙正切

半徑與丙甲餘弦若乙甲餘弦與乙丙餘弦

又法乙甲餘弦與半徑若丙甲正割與乙丙正割

又法丙甲正割與半徑若乙甲餘弦與乙丙餘弦

又法半徑與乙甲正割若丙甲正割與乙丙正割

又法乙甲正割與半徑若丙甲餘弦與乙丙餘弦

又法丙甲餘弦與半徑若乙甲正割與乙丙正割

乙角正切與半徑若丙角餘切與乙丙餘弦

半徑與乙角餘切若丙角餘切與乙丙餘弦

求乙甲邊法

乙角正切與半徑若丙甲正切與乙甲正弦

若欲用半徑為首率以省除則為半徑與乙角餘切

若丙甲正切與乙甲正弦

又法乙角正弦與乙角餘弦若丙甲正切與乙甲正

弦

半徑與乙角餘弦若乙丙正切與乙甲正切

又法乙角正割與半徑若乙丙正切與乙甲正切

半徑與丙角正弦若乙丙正弦與乙甲正弦

半徑與丙角正切若丙甲正弦與乙甲正切

甲丙餘弦與半徑若乙丙餘弦與乙甲餘弦

又法乙丙正割與半徑若丙甲正割與乙甲餘弦

又法半徑與丙甲正割若乙丙餘弦與乙甲餘弦

又法乙丙餘弦與半徑若丙甲餘弦與乙甲正割

又法半徑與乙丙正割若丙甲餘弦與乙甲正割

又法丙甲正割與半徑若乙丙正割與乙甲正割

乙角正弦與半徑若丙角餘弦與乙甲餘弦
半徑與乙角餘割若丙角餘弦與乙甲餘弦

求乙角法

乙丙正弦與半徑若丙甲正弦與乙角正弦

若欲用半徑為首率以省除則為半徑與乙丙餘割
若丙甲正弦與乙角正弦

又法丙甲正弦與半徑若乙丙正弦與乙角正割
又法半徑與丙甲餘割若乙丙正弦與乙角正割

又法乙丙正弦與丙甲正弦若乙角正割與乙角正切

乙甲正弦與半徑若丙甲正切與乙角正切

若欲用半徑為首率以省除則為半徑與乙甲餘割
若丙甲正切與乙角正切

又法丙甲正切與半徑若乙甲正弦與乙角餘切

乙丙正切與半徑若乙甲正切與乙角餘弦

若欲用半徑為首率以省除則為半徑與乙丙餘切

若乙甲正切與乙角餘弦

又法乙甲正切與半徑若乙丙正切與乙角正割

又法半徑與乙甲餘切若乙丙正切與乙角正割

半徑與丙甲餘弦若丙角正弦與乙角餘弦

永補

乙甲餘弦與半徑若丙角餘弦與乙角正弦

永補

半徑與乙甲正割若丙角餘弦與乙角正弦

永補

乙丙餘弦與半徑若丙角餘切與乙角正切

永補

半徑與乙丙正割若丙角餘切與乙角正切

求丙角法

乙丙正弦與半徑若乙甲正弦與丙角正弦

若欲用半徑為首率以省除則為半徑與乙丙餘割
若乙甲正弦與丙角正弦

又法半徑與乙丙正割若乙角餘切與丙角正切

又法乙甲正弦與半徑若乙丙正弦與丙角餘割

永補

丙甲正弦與半徑若乙甲正切與丙角正切

若欲用半徑為首率以省除則為半徑與丙甲餘割

若乙甲正切與丙角正切

又法乙甲正切與半徑若丙甲正弦與丙角餘切

永補

乙丙正切與半徑若丙甲正切與丙角餘弦

若欲用半徑為首率以省除則為半徑與乙丙餘切

若丙甲正切與丙角餘弦

又法丙甲正切與半徑若乙丙正切與丙角正割

永補

丙甲餘弦與半徑若乙角餘弦與丙角正弦

永補

半徑與丙甲正割若乙角餘弦與丙角正弦

半徑與乙角正弦若乙甲餘弦與丙角餘弦

永補

半徑與乙角正切若乙丙餘弦與丙角餘切

永補

已上求邊求角諸法具足有未備者永為補之一

種有數法擇用一焉可也


永所補者亦因他法隅反非臆測也用之可勿疑

垂弧法趨捷

舉要第三卷論垂弧但言可求某邊某角不詳其求之
之法以有正弧三角法可攷也然算以捷為貴有可省
者徑省之諸形中各求捷法以趨簡易

形內垂弧第一支

甲乙丙形有丙銳角有角旁相連之
乙丙甲丙二邊求對邊及餘兩角



作垂弧乙丁丁為正角。按兩邊夾

一角求對角之邊有環中黍尺專書

備論可不作垂弧欲以垂弧算之第

四卷有捷法但求丁丙邊半徑與丙角餘弦若

乙丙正切與分甲丁邊丙丁之餘為甲丁即用兩分之兩邊以

徑得乙甲丁丙餘弦與乙丙餘弦若甚捷也得乙甲則

二角^{甲乙}可求矣若按次求之先求丁丙次求乙丁次求丁乙丙分角次求乙甲次求甲角及丁乙甲分角末以兩乙角并之成乙角較為煩曲

形內垂弧第二支

甲乙丙形有兩銳角有角旁相連之乙丙邊及與各相對之乙甲邊求餘兩角一邊

此當先求甲角

乙甲正弦與丙角正弦若乙丙正弦與甲正

角正

次求丁丙

乙丙半徑與丙角餘弦若乙丙正切與丁丙正切

甲丁

甲半徑與甲角餘弦若甲正切與甲丁正切

分邊併

得甲丙則乙角可得不必求垂弧與




分角

形內垂弧第三支

乙甲乙丙形有乙丙二角有
乙丙邊求甲角及餘邊

邊在兩角之間斜弧三角之難求者

也若以垂弧法求之當求乙丁邊半



與丙角正弦若乙丙
正弦與乙丁正弦乙丙
丁乙丙分角丙

餘弦與半徑若丙角
餘切與乙角正切
原設乙角內減

丁乙丙得丁乙甲分角次求甲角
半徑與乙分角正弦
若乙丁餘弦與甲角


餘弦乙甲邊
甲角正弦與半徑若乙
甲丙邊
甲角正弦與半徑若

原設乙角正弦
與甲丙正弦
此不得不求垂弧與分角者也按次形

法三角求邊以角易為邊邊易為角此形雖止兩角亦可弧角相易以次形求之蓋在本形為兩角夾一邊次形即為兩邊夾一角在本形為求對邊之角在次形即為求對角之邊徑用環中黍尺加減捷法以求之一求而甲角可得矣此理隱於次形篇中永於三角求邊悟得之

形內垂弧第四支

甲乙丙形有丙甲二角有
乙甲邊求乙角及餘二邊



此當先求乙丙邊
丙角正弦若乙甲正弦

與乙丙次求丙丁
若乙丙正切與丙弦

丁正丁甲
甲半徑與甲角餘弦若乙切與丁甲正切
 分


邊併得丙甲而乙角可得

形內垂弧第五支
角餘二邊相同求之

形外垂弧第一支
甲乙丙形有丙銳角有夾角之兩邊求乙甲邊及餘兩角

自乙角作垂弧於形外補成正角
丁本法須求丙乙丁

角
乙丙餘弦與半徑若丙角餘切與乙角正切
 乙丁邊
丙半徑與乙丙正弦若丙角正弦與乙丁正



弦
丁丙邊
半徑與乙丙正弦若乙乃

可求乙甲邊
丁丙內減丙甲得甲丁半徑與甲丁餘弦若乙

丁餘弦與
乙甲餘弦
甲角
乙甲正弦與半徑若乙丁正弦與甲角正


弦
及甲乙丁虛角
乙甲正弦與半徑若甲丁正弦與虛

乙角正
乙丁虛角減
未以甲角減
半周得原設
丙乙甲角以
若用環

中黍尺加減捷法則不用作垂弧一求可得乙甲邊而

甲乙兩角皆可求矣

形外垂弧第二支
甲乙丙形有甲鈍角有角旁之二邊求乙丙邊及餘二角



不必作垂弧


形外垂弧第三支

甲乙丙形有丙銳角有角旁之乙
丙邊有對角之乙甲邊求丙甲邊

及餘
二角

本法亦作垂弧於形外補成正角先
求虛邊虛角而後可求形內之邊角
今按此亦可用環中黍尺法角求對
邊鈍角用大矢徑得乙丙因以求二角則

本法先求虛邊虛角今按此可求甲



角 乙 甲 正 弦 與 乙 丙 正 弦 若 乃求丁

丙邊 丙 半 徑 與 丙 角 餘 弦 若 乙 與甲丁

邊 乙 半 徑 與 甲 外 角 餘 弦 若 於 丁 丙 內

減甲丁得丙甲而乙角可求


形外垂弧第四支

乙 甲 丙 形 有 甲 鈍 角 有 角 旁 之 甲 丙 邊 及 對 角 之 乙 丙 邊 求 乙 甲 邊 及 餘 二 角

本法亦先算虛形今按此亦可做第

三支先求乙角次求乙戊邊與甲戊

邊於乙戊內減甲戊得乙甲因以求



丙角

形外垂弧第五支


乙甲丙形有丙甲二角一銳一鈍
有丙甲邊在兩角之中求一角

本法作垂弧先算虛邊虛角今按兩

角夾一邊求對邊之角猶之兩邊夾

一角求對角之邊徑易角為邊易邊


為角用加減捷法可得對丙甲邊之



乙角

形外垂弧第六支

乙甲丙形有乙甲二角一銳一鈍
有丙甲邊與乙銳角相對鈍角相連



此當先求乙丙邊角有本形弧次求乙

戊虛邊丙半徑與乙角餘弦若乙次求

甲戊虛邊丙半徑與甲外角餘弦若於

乙戊內減甲戊得乙甲因以求


形外垂弧第七支
乙乙甲丙形有乙銳角甲鈍角有丙
乙邊與甲鈍角相對銳角相連

此當先求丙甲邊餘如六支之法

垂弧又法第一支

乙甲丙形有乙丙邊在兩角之間而兩角並鈍求餘二邊

及甲角



法引丙甲至已引乙甲至戊各滿半

周作戊己邊與乙丙等而已與戊並

乙丙之外角成甲戊己次形依法作

垂弧於次形之內丁如己分為兩形本

法求乙甲邊以己丁戊分形求到丁戊半徑與戊角餘

與丁戊以己丁甲形求到甲丁先於己丁戊形求得已角餘

為丁巳分角又求得丁垂弧乃求甲丁正切為合之
半徑與己分角正切若己丁正弦與甲丁正切

成甲戌以減半周得乙甲求丙甲邊以己丁甲分形求

到己甲丁巳正切與己甲正切若以減半周得丙甲乃

以己丁甲分形求到甲交角丁巳正弦與甲角正弦若己按


此殊多曲折徑易角為邊易邊為角或用本形之乙丙

戊丙邊為角取矢或用次形之己用加減捷法求之即

可得甲角因以求二邊

垂弧又法第二支乙甲丙形有丙甲二角有乙甲邊與丙角相對而兩角俱鈍求乙角

及餘
邊



如法引甲乙丙乙俱滿半周會於己
成丙甲己次形作己丁垂弧於次形
內分次形為兩本法求乙角惟求分
形兩己角合之為次形己角與乙對

角等又求分形甲丁丁丙并之為甲丙以求到次形己


丙減半周為乙丙今按此形當先求乙丙邊

丙角正弦與乙角正

弦若甲角正弦與乙丙正弦

減半周餘為己丙虛邊次求甲丁

乙角減半



垂弧又法第四支

與乙甲連有乙甲邊與角對

法用甲己戊次形

甲己為甲乙減半
周之餘甲戊為甲

丙減半周之餘戊
角為丙之外角

作垂弧於內求乙

丙邊及餘兩角按此形當先求乙角

甲乙甲正弦與丙角正弦若
丙正弦與乙角正弦

因知己虛

角己為乙次求丁己

己半徑與乙角餘弦若
己正切與丁己正切

戊丁半徑與戊

角正切若甲戌正
弦與戌丁正切
併得己戌即丙乙因以求甲角若欲

先知甲角即於丁戌甲分形求之
甲戌徑與戌角正切若
甲戌餘弦與甲角餘

切
因以求乙丙邊
甲角正弦與乙丙正弦若


垂弧又法第五支
乙甲丙形有三邊內有乙甲丙甲
二邊相同而皆為過弧求三角

本法用次形作垂弧求之今按此亦

可用加減捷法用甲角角旁兩弧同


度則加減有變例檢環中黍尺五卷

補遺用



垂弧又法第六支

乙角有甲丙形有丙甲二鈍角有甲丙邊在兩角間



本法引乙丙乙甲滿半周會于戊成

甲戊丙次形作垂弧於次形外以求

之今按此亦可易角為邊易邊為角

依加減捷法求之徑得乙角

因以求二邊

垂弧又法第七支

乙角有甲丙形有乙甲二鈍角有甲丙邊與角對

法引設邊成丙戊甲次形


戊為乙對角與乙角等

作垂弧於次形

外此或先求乙丙

乙角正弦與甲丙正弦若甲角正弦與乙丙正弦

減半周得



丙戊或先求丙戊

戊角正弦與丙甲正弦若甲外角正

弦與丙戊正弦

減半周得乙丙次求丁甲

甲外

角餘弦與半徑若甲

丁戊

戊外角正割與半徑

丙正切與甲丁正切

若丙戊正切與丁戊正切

以丁戊減丁甲餘為

戊甲以戊甲減半周餘為乙甲因以求丙角


若欲先求丙角

甲丁對邊即求得丙角

垂弧又法第八支

乙甲丙形有丙鈍角有角旁之兩邊丙乙丙甲


本法用甲戊丙次形作甲丁垂弧引



垂弧又法第九支

乙甲丙形有甲鈍角有乙丙邊與角對丙甲邊與角連

丙戌會于丁可求乙甲邊及甲乙二
 角今按此亦可用加減捷法徑求乙
 甲對邊以求二角



法用丙戌甲次形自丙角作垂弧與
 甲戌引長邊會于丁此當先求乙角

本形有甲丙對邊比例 即戌角對角次求丁甲

與丁戌求法第七支於丁甲內減丁戌

為甲戌即得乙甲

法同七支

因以求丙角

次形

斜弧三角求邊必弧角互易用次形求之圖與算例
皆詳明矣然易角為邊有用本角度有用外角度恐
易混淆今為釐定開例如左庶用之無誤

凡三角俱銳者在圓周之兩角用本角度其交角用外

角度

凡三邊必有一邊就圓周凡三角
必有兩角在圓周餘一角為交角

凡三角俱鈍者皆用外角度

凡兩鈍一銳鈍在圓周銳在交角者亦猶三角俱鈍皆用外角度

凡兩鈍一銳銳在圓周者用本角度其兩鈍一在圓周者用外角度一在交角者用本角度

凡兩銳一鈍銳在圓周者用本角度鈍在交角者用外角度

凡兩銳一鈍銳在圓周者用本角度在交角者用外角度鈍在圓周者亦用外角度

方圓冪積比例補

勿菴先生有方圓冪積一卷凡方圓周徑面體比例
詳矣愚思之尚有方分圓分比例一法從來算家只
言冪積不言圓分而范蜀公論律云古者以竹為律
竹形本圓今以方分置算此律非是算法圓分謂之
徑圓方分謂之方斜今圓分而以方法算之此算數
非是圓分始見於此圓體用圓分置算亦有至理平
圓有平圓分立圓有立圓分得其方分圓分之比例

則有大小不等之渾圓欲得倍數之差但借立方算之其得數甚真亦甚捷故為補此一法

先論圓方

算家命平方如棋局之罫者謂之冪合計之謂之積夫有平冪亦當有平員之分合衆小員之分亦可謂平員之積由是而為立員亦可謂立員分立員積矣夫所謂員分者非若句股容員虛其四隅也非若方體圓體中容得幾個圓球球間尚有空隙也大小相容全無隙罅

但有圓之數而無圓之形是所謂員分員積也

如以分作九復

碎九成粉入大圓中謂此大員能容幾個粉九

平方平員

方徑一十 冪積一百

員徑一十 冪積七十八又五三九八一六

員積一百

方員有相應之理方員同徑員者刳其四角故冪積七十八有奇若員中復容員必與同徑之方等積大

員與小員猶之大方與小方也此為渾員立方比例之根

立方立員

立方徑一十 立方面冪六百

立員徑一十 立員面冪三百一十四又一五九二

六五

立員面員分六百

立員即渾員渾圓面冪與員徑上平冪若四與一故

四倍平員面冪

七八五三
九八一六

而得三一四一五九二六五立

方有六面則有六百與渾員面冪若六與三一四一五

九二六五而渾員面上之員分則又與立方面冪等

立方徑一十

立方積一千

立員徑一十

立員積五百二十三又五九八七七五

立員員分積一千

立方立員同徑又剝去立方之八角則其積之比例

若六與三一四一五九二六五故立方積一立員積

五二三五九八七七五猶之立方面冪六而立員面
冪三一四一五九二六五也積與冪既同比例矣則
立員員分積亦必與立方積等猶之立員面員分與
立方面冪等也然則平冪面冪體積方與方員與員
其數皆等借立方可算立員而大小員球之差數睹
矣

借立方算立員

立方徑自乘又以徑乘之得積。立員亦徑自乘又以

徑乘之得立員員分積

求大小員差幾倍數

大小員各算得積以積相較得差數若干倍

假如

今有大員徑三十六小員徑六徑之差六倍實體差若干倍

答曰大員比小員差二百一十六倍

法以大員徑自乘再乘得積四萬六千六百五十

六小員徑自乘再乘得積二百一十六其差亦二

百一十六倍

小員徑自乘即大員徑故差數與積數等二百一十六自乘亦即四萬六

千六百五十六

又法以兩徑差倍數自乘又以倍數乘之所得亦同

今有大員徑一十五萬小員徑八千徑之差十九倍弱

實體差若干倍

答曰大員比小員差六千五百九十倍奇

法以十五萬自乘再乘大數三三七五以八千自

乘再乘小數五一二大數為實小數為法除實得
六千五百九十餘實三三七四〇八幾盡故差六
千五百九十倍奇

大小數相差甚遠借十九倍數
自乘再乘得六千有奇故知首

位是六千不用十九倍數
算者不正得十九倍也

此日月實體約畧差數也利西泰云日大於月六千
五百三十八倍奇亦相近

今有大員徑十五萬小員徑二萬八千二百七十四徑
之差五倍有奇實體差若干倍

答曰大員比小員差一百四十九倍奇

法以小員自乘再乘得二二六〇二七七五為小數大員大數如前以大數為實小數為法除實得一百四十九幾盡故差一百四十九倍有奇

此日與地實體約畧差數也利西泰云日大于地球一百六十五倍奇盖利算日徑不啻十五萬里

今有大員徑二萬八千二百七十四小員徑八千徑之差三倍半有奇實體差若干倍

答曰大員比小員差四十四倍奇

法以大員積二二六〇二七七五為實小員積五
一二為法除之得四十四除實二二五二八不盡
故差四十四倍奇

此地與月實體約畧差數也利西泰云地大于月三十
八倍奇盖利算月徑不啻八千里

右法算渾圓大小相較之差徑捷如此是亦少廣之一
法不可缺也西人言日大于地五倍有奇又云一百六

十五倍有奇兩數甚相懸今為補此一法則日大于地
實體與圓徑迥殊不足詫異矣

授時弧矢割員論

勿菴先生員容方直簡法附授時歷弧矢割員圖又
附求黃赤內外度及黃赤道差法論之云割員之算
始于魏劉徽至劉宋祖冲之父子尤精其術唐宋以
算學設科古書猶未盡亡邢臺蓋有所本又云郭法
用員容方直起算冬至西法用三角起算春分郭用

三乘方以先得矢西用八綫故先得弦又西專用角而郭只用弧西兼用割切而郭只用弦種種各別而不害其同有所以同者在耳且夫數者所以合理也歷者所以順天也法有可采何論中西理所當明何分新舊在善學者知其所以異又知其所以同去中西之見以平心觀理則弧三角之詳明郭圖之簡括皆足以資探索而啟深思務集衆長以觀其會通毋拘名相而取其精粹

永按員者徑一圍三古人之恒言算家之麤率精於算者覺其未密因有割員之術劉祖二家各有其率蓋欲細求周徑之數以究平員之理未嘗剖之為度析之為分一一紀其縱橫之線以為測天之用也而算家相承仍用粗疎之率立弧矢之法或欲以曲承直則用三乘法求矢或欲以直求曲則因矢以求半背弦差夫弧背為曲線矢弦為直線亘古無相通之率不相通而強求之其所求得之數必非真數也嘗讀唐荊川先生弧

矢論攷其求背弦差之法所得者猶是徑一圍三六邊

之周耳

古法求背弦差以矢自乘為實以徑為法除實得半背弦差倍之得全背弦差假令半徑五自

乘二十五徑十除之得二五倍之得五加於徑則半周十五又如徑十而矢一者通弦六餘通弦八餘矢二以矢一自乘以徑除之得小數一倍之得二為背弦差又以餘矢二自乘以徑除之得小數四倍之得八為背弦差合兩通弦十四加兩差一半周亦得十五皆徑一圍三之半周

又攷邢氏律厯考衍

三乘方求矢法迂曲煩難究其所得仍是圍三徑一耳此繇八線表未傳不得不如此立算其得數之非真雖前人亦未嘗覺也郭太史之求黃赤內外度也先用帶

從三乘方求各度矢則得矢不真矣其既得黃赤內外
半弧弦也又以矢度求半背弦差加入半弧弦得內外
半弧背則弧度亦非真其求黃赤差法以黃道矢求半
背弦差減黃道度得黃道半弧弦則得弦不真矣其既
得赤道半弧弦也又求半背弦差以加半弧弦得赤道
則赤道度亦非真夫表端者景正源潔者流清徑一圍
三其本先失而欲數之不謬也得乎八線之法至矣剖
析大員細至分秒無非真數以此測天絲毫莫能遁勿

菴先生與郭法相提而論謂種種各別不害其同有所以同者在愚謂郭圖之弦矢猶八線之弦矢也其句股皆八線所有之句股也究之郭法西法終莫能同有所以不同者在耳先生謂當去中西之見平心以觀理夫理有真亦有似使其似是而未真則與真者相提而論雖欲比而同之不可得矣

先生於郭法各添註求黃道矢與弦則註云本法如此原法如此

見前

求內外半弧背及赤道則註云原法如此

前見今省夫存其本法而不論其法之是與非豈不欲苛求古人與原法所有而今省豈微覺其法之未善與愚豈敢苛論古人哉亦謂理數精微不能兩是寧割愛於古人耳

授時平立定三差辯

勿菴先生云授時歷於日躔盈縮月離遲疾並云以

算術塚積

一作壘

招差立算而今所傳九章諸書無此

術也豈古有而今逸耶載攷歷草並以盈縮日數離

為六段並以段目除其段之積度得數乃相減為一差一
差又相減為二差則其數齊同乃緣此以生定差及平
差立差定差者盈縮初日最大之差也於是以平差
立差減之則為每日之定差矣若其布立成法則直
以立差六因之以為每日平立合差之差此兩法者
若不相蒙而其術巧會從未有能言其故者余因李
世德孝廉之疑而試為思之其中原委亦自歷然爰
命孫穀成衍為塚積之圖得書一卷

又云平立定差之法古無其術乃郭太史所創為以
求七政盈縮之度所以造立成之根本也據云依立
招差又云依塚疊立招差則似古算術中原有其法
而今採用之然不可攷矣愚因李問為之行算頗覺
其用法之巧焉

永按郭太史時八線表未傳中土以三差法求七政盈
縮固巧矣愚竊謂其數之不真凡圓體參差截為數段
前後相較其畸零之數無時而盡今以段目除積度相

較至再而即齊同無是理也凡相差之尾數前後疎密必不均用時有收有棄未有能截然齊一者今恒六因立差以為每日平立合差之差則其差有常尾數不變如太陽盈初縮未限平立合差之尾數恒為八四〇六二其較以六縮初盈未限平立合差之尾數恒為二四六八〇其較以二則盈縮加分盈縮積度之尾數皆有定率太陽如此其他可知

平圓中亦必

無此差率也以至圓之體而欲以平方立方之差求之圓鑿方枘豈能相入哉或曰郭氏於七政各分段目測之其數盖得之積候未可謂其無憑也曰凡以儀器測

天雖極精密亦及度分而止必不能得其秒微各段相較至二差而齊同皆秒微之數則其積度畸零之小數必有遷就於其間者矣觀太陰遲疾立成其損益積度至於五度四二九三有奇較西法加減均數為贏而又不知有二三均加減則其日逐測到之度豈盡與天密合哉平圓中自然之差數八線表盡之矣使平立定三差之法果符天運則八線亦可不立既有八線之精算為一切測圓之準繩則此外更無歧途別徑亦無取乎

三差之巧矣於古人之法深究其根存而勿用可也

數學卷八

欽定四庫全書

續數學卷一

婺源江永撰

正弧三角疏義

目錄

分支列目隨其所欲
求者因目以檢後題

第一支

有正角有餘角有對正角之邊而求兩邊一角

凡正弧三角鈐記甲為正角乙為餘角丙為交角乙丙為對正角之邊丙甲為對餘角之邊乙甲為對交角之邊

求對餘角之邊

第一題

求對交角之邊

第二題

求交角

第三題

第二支

有正角有餘角有對餘角之邊而求兩邊一角

求對正角之邊

第四題

求對交角之邊

第五題

求交角

第六題

第三支

有正角有交角有對正角之邊而求兩邊一角

求對交角之邊

第七題

求對餘角之邊

第八題

求餘角

第九題

第四支

有正角有交角有對交角之邊而求兩邊一角

求對正角之邊

第十題

求對餘角之邊

第十一題

求餘角

第十二題

第五支

有正角有角旁相連之兩邊而求一邊兩角

求對正角之邊

第十三題

求餘角

第十四題

求交角

第十
五題

第六支

有正角餘角夾一邊而求兩邊一角

求對正角之邊

第十
六題

求對餘角之邊

第十
七題

求交角

第十
八題

第七支

有正角交角夾一邊而求兩邊一角

求對正角之邊

第十
九題

求對交角之邊

第二十
十題

求餘角

第二十
一題

第八支

有正角有對正角交角之邊而求一邊兩角

求對餘角之邊

第二十
二題

求交角

第二十
三題

求餘角

第二十
四題

第九支

有正角有對正角餘角之邊而求一邊兩角

求對交角之邊

第二十
五題

求餘角

第二十
六題

求交角

第二十
七題

第十支

有三角求三邊

求對正角之邊

第二十
八題

求對餘角之邊

第二十
九題

求對交角之邊

第三
十題

已上正法已具

第十一支

不用正角以餘角交角二邊相對相求

餘角交角偕對餘角之邊求對交角之邊

第三十
一題

交角餘角偕對交角之邊求對餘角之邊

第三十
二題


對餘角交角之邊偕餘角求交角

第三十
三題

對交角餘角之邊偕交角求餘角

第三十
四題

正弧三角形



甲為正角 乙為餘角 丙為交角

圓內全形圖及解義詳後

分題舉法

第一支

有正角有餘角有對正
角之邊求兩邊一角

第一題

有甲角有乙角有對甲角乙丙邊求對乙角丙甲邊

法曰半徑

即甲角正
弦後倣此

與乙角正弦若乙丙正弦與丙甲

正弦

凡首舉者為一率言與者為二率言若者為三率後言與者為四率凡數以二率三率相乘為

實以一率為法除之而得第四率為所求之數凡二率可易為三三率可易為二凡半徑為全數在首率

者升位可省除在中間
者升位可省乘後倣此

第二題

有甲角有乙角有對甲角乙丙邊求對丙角乙甲邊

法曰半徑與乙角餘弦若乙丙正切與乙甲正切

第三題

有甲角有乙角有對甲角乙丙邊求丙角

法曰半徑與乙角正切若乙丙餘弦與丙角餘切

第二支

有正角有餘角有對餘角之邊而求兩邊一角

第四題

有甲角有乙角有對乙角丙甲邊求對甲角乙丙邊

法曰乙角正弦與半徑若丙甲正弦與乙丙正弦

若欲用半徑為首率以省除則為半徑與乙角餘割
若丙甲正弦與乙丙正弦

第五題

有甲角有乙角有對乙角丙甲邊求對丙角乙甲邊

法曰乙角正切與半徑若丙甲正切與乙甲正弦

若欲用半徑為首率以省除則為半徑與乙角餘切
若丙甲正切與乙甲正弦

第六題

有甲角有乙角有對乙角丙甲邊求丙角

法曰丙甲餘弦與半徑若乙角餘弦與丙角正弦

第三支

有正角有交角有對正角之邊而求兩邊一角

第七題

有甲角有丙角有對甲角乙丙邊求對丙角乙甲邊

法曰半徑與丙角正弦若乙丙正弦與乙甲正弦

第八題

有甲角有丙角有對甲角乙丙邊求對乙角丙甲邊

法曰半徑與丙角餘弦若乙丙正切與丙甲正切

第九題

有甲角有丙角有對甲角乙丙邊求乙角

法曰乙丙餘弦與半徑若丙角餘切與乙角正切

首率
易半

徑則次率易
乙丙正割

第四支

有正角有交角有對交
角之邊而求兩邊一角

第十題

有甲角有丙角有對丙角乙甲邊求對甲角乙丙邊

法曰丙角正弦與半徑若乙甲正弦與乙丙正弦

若欲用半徑為首率以省除則為半徑與丙角餘割
若乙甲正弦與乙丙正弦

第十一題

有甲角有丙角有對丙角乙甲邊求對乙角丙甲邊

法曰丙角正切與半徑若乙甲正切與丙甲正弦

若欲用半徑為首率以省除則為半徑與丙角餘切
若乙甲正切與丙甲正弦

第十二題

有甲角有丙角有對丙角乙甲邊求對乙角

法曰乙甲餘弦與半徑若丙角餘弦與乙角正弦

首率
易半

徑則次率易

乙甲正割

第五支

有正角有角旁相連之
兩邊而求一邊兩角

第十三題

有甲角有乙甲邊丙甲邊求對甲角乙丙邊

法曰半徑與丙甲餘弦若乙甲餘弦與乙丙餘弦

第十四題

有甲角有乙甲邊丙甲邊求乙角

法曰乙甲正弦與半徑若丙甲正切與乙角正切

若欲用半徑為首率以省除則為半徑與乙甲餘割
若丙甲正切與乙角正切

第十五題

有甲角有乙甲邊丙甲邊求丙角

法曰丙甲正弦與半徑若乙甲正切與丙角正切

若欲用半徑為首率以省除則為半徑與丙甲餘割
若乙甲正切與丙角正切

第六支

有正角餘角夾一
邊而求兩邊一角

第十六題

有甲角有乙角有乙甲邊求對甲角乙丙邊

法曰乙角餘弦與半徑若乙甲正切與乙丙正切

若欲用半徑為首率以省除則為半徑與乙角正割
若乙甲正切與乙丙正切

第十七題

有甲角有乙角有乙甲邊求對乙角丙甲邊

法曰半徑與乙角正切若乙甲正弦與丙甲正切

第十八題

有甲角有乙角有乙甲邊求丙角

法曰半徑與乙角正弦若乙甲餘弦與丙角餘弦

第七支

有正角交角夾一邊而求兩邊一角

第十九題

有甲角有丙角有丙甲邊求對甲角乙丙邊

法曰丙角餘弦與半徑若丙甲正切與乙丙正切

若欲用半徑為首率以省除則為半徑與丙角正割
若丙甲正切與乙丙正切

第二十題

有甲角有丙角有丙甲邊求對丙角乙甲邊

法曰半徑與丙角正切若丙甲正弦與乙甲正切

第二十一題

有甲角有丙角有丙甲邊求乙角

法曰半徑與丙角正弦若丙甲餘弦與乙角餘弦

第八支

有正角有對正角交角之邊而求一邊兩角

第二十二題

有甲角有乙丙邊乙甲邊求丙甲邊

法曰乙甲餘弦與半徑若乙丙餘弦與丙甲餘弦

若欲用半徑為首率以省除則為半徑與乙甲正割
若乙丙餘弦與丙甲餘弦

第二十三題

有甲角有乙丙邊乙甲邊求丙角

法曰乙丙正弦與半徑若乙甲正弦與丙角正弦

若欲用半徑為首率以省除則為半徑與乙丙餘割
若乙甲正弦與丙角正弦

第二十四題

有甲角有乙丙邊乙甲邊求乙角

法曰乙丙正切與半徑若乙甲正切與乙角餘弦

若欲用半徑為首率以省除則為半徑與乙丙餘切
若乙甲正切與乙角餘弦

第九支

有正角有對正角餘角
之邊而求一邊兩角

第二十五題

有甲角有乙丙邊丙甲邊求乙甲邊

法曰丙甲餘弦與半徑若乙丙餘弦與乙甲餘弦

若欲用半徑為首率以省除則為半徑與丙甲正割

若乙丙餘弦與乙甲餘弦

第二十六題

有甲角有乙丙邊丙甲邊求乙角

法曰乙丙正弦與半徑若丙甲正弦與乙角正弦

若欲用半徑為首率以省除則為半徑與乙丙餘割
若丙甲正弦與乙角正弦

第二十七題

有甲角有乙丙邊丙甲邊丙甲邊求丙角

法曰乙丙正切與半徑若丙甲正切與丙角餘弦

若欲用半徑為首率以省除則為半徑與乙丙餘切

若丙甲正切與丙角餘弦

第十支

有三角
求三邊

第二十八題

有甲角乙角丙角求乙丙邊

法曰乙角正切與半徑若丙角餘切與乙丙餘弦

首率
易半

徑則次率易

乙角餘切

第二十九題

有甲角乙角丙角求丙甲角

法曰丙角正弦與半徑若乙角餘弦與丙甲餘弦

首率
易半

徑則次率易

丙角餘割

第三十題

有甲角乙角丙角求乙甲邊

法曰乙角正弦與半徑若丙角餘弦與乙甲餘弦

首率
易半

徑則次率易

乙角餘割

已上皆有甲角半徑者正法已具其不用甲角者

別為一丈四題如左

第十一丈

不用正角以餘角交
角二邊相對相求

第三十一題

有乙角丙角丙甲邊求乙甲邊

法曰乙角正弦與丙甲正弦若丙角正弦與乙甲正
弦

第三十二題

有丙角乙角乙甲邊求丙甲邊

法曰丙角正弦與乙甲正弦若乙角正弦與丙甲正弦

第三十三題

有乙角有丙甲乙甲邊求丙角


法曰丙甲正弦與乙角正弦若乙甲正弦與丙角正
弦

第三十四題

有丙角有乙甲丙甲邊求乙角

法曰乙甲正弦與丙角正弦若丙甲正弦與乙角正弦

平圓正弦三角圖



天上隨處皆可作弧三角此姑
以黃赤道圖之巳辛癸丁圓為
極至交圈巳為北極辛乙丁為
赤道庚為黃極壬乙戊為黃道
壬為冬至乙為春秋分戊為夏
至丙者設太陽所在巳丙甲者

從北極出線過太陽抵赤道為過極圈之一象限

九十度

乙丙者太陽行過春分之經度乙甲赤道同升度丙甲

距緯度戊丁者乙角之度也

凡角度皆在九十度之圓周上春分至夏至黃赤皆

足九十度故戊丁為乙角度此角度為黃赤道距緯古今不同古時不止二十三度半今度不及二十三度半姑以二十三度半算之可也 庚巳者黃極距北極之度亦與戊丁同

度也甲為正角

即直

其正弦滿半徑故即以半徑為甲

角此甲乙丙形即前圖之灣曲形因側視故黃赤道成

直線稍轉即成灣曲矣


此圖又有次形丙戊者黃道乙丙之餘弧甲丁者乙甲

赤道之餘弧已丙者丙甲距緯之餘弧已戊者乙角丁
戊之餘弧而甲丁弧又為已角之度是次形又有已戊
丙之三角形戊為正角同甲角丙為交角同丙角已為
餘角似乙角也本形有不能以正弦比例者則以次形
易之而別法生焉

正弧形弧角相易又次形圖

甲乙丙正弧三角形既易為已丙戊次形又易為已庚

子形



圖之已丙戊形即前圖之已丙戊形

丁與庚亦前圖之丁及庚此引丙戊

線至丑引丙已線至子皆滿象限作

丑子弧引之至庚與戊已庚弧會則

戊庚丑庚亦皆一象限成已子庚形與甲乙丙形相當

子為正角同甲角已為交角似丙角庚為餘角似乙角

也○乙丙邊易為庚角

乙戊及丙丑皆象限內減同用之丙戊則戊丑即乙丙而戊丑

即庚角之弧

乙甲邊易為已角

乙甲之餘度丁甲即已交角之弧

是又次形

之兩角即元形之兩邊也乙角易為己庚邊

前設乙甲
丁戊為黃

赤距度則己庚者黃極
赤極距度故二邊相等

丙角易為子庚邊


丙交角之弧
丑子其餘弧

為子
庚

是又次形之兩邊即元形之兩角而子己即丙甲

子角即甲角於是次形有不能比例者易為又次形而

別法又生焉



續數學卷一